

M046: Christus und Pilatus

0,1 "[...][...] vmme dissen seluen guten man
0,2 nechein scult ich an im uinden kan"
0,3 do daz pylatus vornam
0,4 daz vnse herre wider quam
0,5 zuo iherusalem an die stat
0,6 zuohant her ime zuogegen trat
0,7 vnd untfinc den milten ihesum
0,8 vnd sprach "aue rex iudeorum"
0,9 daz spricht "got gruze dich koning der iuoden"
0,10 do rifen si rechte so die ruoden
0,11 "wir ne hauen necheinen koning mere
0,12 wen der keiser ist unser herre"
0,13 do sprach auer pylatus
0,14 "Q'd faciam de ihu- qui dicitur x-p-c-?"
0,15 daz spricht "waz sal ich tuon mit ihc-
0,16 den man dar heizet cristus?"
0,17 do rifen die iuoden gemeine
0,18 beide groz vnd cleine
0,19 "iz si recht oder crum
0,20 crucifige crucifige eum"
0,21 daz spricht "man sal en an ein cruce slan"
0,22 "waz hat er vobeles getan
0,23 wolt ir mich berichten des
0,24 necheine scuolt ich an en vinde- kan nocht herodes"
0,25 do antwrten die iuden dus
0,26 dem richtere pylatus
0,27 "du vrages waz her haue getan
0,28 wilt u daz an vns vorstan
0,29 wir sagen di wilch sin scult si
0,30 omnis qui se rege- facit contradict cesari"
0,31 daz spricht . "alle di sich zuo koni-ge machen
0,32 die sint des keiseres widersachen"
0,33 "[...][...] hau ich auir wol getan
0,34 war umme sles tu mich dan?"
0,35 do daz gesach pylatus
0,36 daz de umtruwe iuoden sus
0,37 also sere tobeten
0,38 schire her in gelouete

0,39 her wolde tuon iren wille
0,40 offenbare vnd stille
0,41 beide spade vnde vruo
0,42 her hiz ime wazzer bringen do
0,43 sine hende duouch pylatus
0,44 vnd sprach . “i-noce-s su- a sangui-ne huius”
0,45 daz spricht . “ich wil des bluotes unsculdich sin
0,46 also daz hore der hende min”
0,47 do sprachen die iuden gemeine
0,48 beide groz vnd cleine
0,49 “her ne wirt dar umme von vns nicht los
0,50 sanguis eius sup nos & sup filios nr-os”
0,51 daz spricht . “sin bluot muze vallen
0,52 vf vns vnd vf vnse kint allen”
0,53 daz wort ist huote an im becleuen
0,54 vnd ne wirt nimmer von im vortreben
0,55 do sprach auer pylatus .
0,56 zuo den vngetruwen iuoden dus
0,57 “ich ne weiz nicht waz nu sprechen me
0,58 Accipite eu- vos & scd’m lege- vra-m iudicate”
0,59 daz spricht . “nemt in vnd richtet na vwer wonheit”
0,60 “ez w’t h’ na vns allen leit”
0,61 si sprachen “wi hauen einen site
0,62 des muoz tu nu vns volgen mite
0,63 her sal steruen na vnser e
0,64 Jz tu im wol oder we”